

TRAGEDIA AEREO

8 Morto

ORANJESTAD (AAN): E dia di ayera originalmente tabata planea di ta uno hopi festivo. Aeropuerto Internacional Reina Beatrix tabata preparando pa e celebracion grandi di 25 aña di existencia di American Airlines na Aruba.

Enberdad, Director di Aeropuerto mes a yega trempan y a acudi na e oficina di American Airlines pa felicita nan cu nan hubilo.

Ni algun minuut despues el a ser informa cu un di e avionnan cu a sali di Aruba a accidenta. Esaki tabata e prome indicacion cu Diarazon 13 di Maart 1996 lo bay den historia como un dia scur.

DEN CIELO

E prome informe cu a ser capta riba e frecuencia interino di Avia Air, a pone esnan cu a scucha e mensahe den estado di nerviosidad. Principalmente debi cu un piloto a indica cu e tin problema cu un di su motoman, esta esun na banda robez. Esaki tabata alrededor di 7:28 a.m.

Ta trata aki di e piloto Sigfried Stede bulando den un Cessna 402 di Avia Air cu matricula P4-AVB rumbo pa Punto Fijo. Mientras tanto su tras tabata tin bulando, pero poco mas halto, un avion Embraer di Avia Air cu tambe a caba di sali di Aruba. Hopi cos e Embraer no por a haci. Pero coleganan di Avia Air a recomenda e Piloto pa no regresa Aruba sino continua vuelo pa Punto Fijo y asina trata di yega su destino.

Algun minuut despues, campesinonan biba na Península di Paraguana a tende manera un explosion den halto y despues a mira un avion cay....

INICIO DI VUELO

Ayeramainta manera ta cuspumber pa basta aña caba, e compania Avia Air conoci pa su servicio regular di vuelonan Aruba pa Venezuela, tabata preparando pa transporta diferente pasahero di Aruba pa Punto Fijo.

Pa siman Avia Air tin regularmente 21 vuelo, sin conta e



vuelonan extra cu e ta haci cu asina ta pone yega tin biaha na entre 35 pa 50 vuelo.

Ayeramainta mes Avia Air tabatin 22 pasahero pa transporta pa Punto Fijo. Esaki lo bay den dos vuelo, esta e Cessna cu 7 pasahero, y e Em-


braer cu 15 pasahero.

Manera ta rutinario, e piloto ta controla su avion prome di lanta vuelo. DIARIO a comprende cu esaki tabata e caso tambe ayera mientras e preparacion ta worde haci pa e pasaheronan aborda.

Sigfried Stede a lanta vuelo pa mas o menos 7:20 a.m. for di Aeropuerto International Reina Beatrix cu destino Aeropuerto Jose Camejo na Punto Fijo. Abordo tabata tin

Sigui lesa pagina 3

DEN CIELO TAMBE NAN TA SUFRI!!



216

OWNERS

Kelly Tires

SIZE 165 R 15
104,- NORMAL
AWO
**CANTIDAD 78,-
LIMITA!!**

Dialuna pa Diabierna
8 - 12 2 - 6
Diasabra
9 - 4 non-stop

216 AUTO CENTER
De La Sallestraat zn
Tel: 30350 / 34432
Fax: 30250